

**BOSHLANG‘ICH SINIF TEXNOLOGIYA DARSLARIDA O‘ZBEK  
MILLIY MEROSIDAN FOYDALANISHNING O‘QUVCHILAR  
FIKRLASHIGA TA’SIRI VA AHAMIYATI**

**Vaxabova Gulandon Madamin qizi**  
*Namangan davlat pedagogika instituti magistranti*

**DOI:** <https://doi.org/10.5281/zenodo.21136794>

**Annotatsiya:** Ushbu maqolada boshlang‘ich sinf texnologiya darslarida o‘zbek milliy hunarmandchiligi va madaniy merosi elementlaridan foydalanishning ta’limiy va tarbiyaviy ahamiyati yoritiladi. Milliy qadriyatlar orqali o‘quvchilarning ijodiy qobiliyatlarini rivojlantirish, kreativ fikrlashga yo‘naltirish va vatanparvarlik ruhida tarbiyalash masalalari tahlil qilinadi.

**Kalit so‘zlar:** Boshlang‘ich ta’lim, texnologiya, milliy meros, xalq amaliy san’ati, pedagogik ahamiyat, ijodiy faoliyat, kreativ fikrlash.

**Abstract:** This article discusses the educational and educational significance of using elements of Uzbek national crafts and cultural heritage in primary school technology lessons. The issues of developing students' creative abilities, directing them to creative thinking, and educating them in the spirit of patriotism through national values are analyzed.

**Keywords:** Primary education, technology, national heritage, folk applied arts, pedagogical significance, creative activity, creative thinking.

**Аннотация:** В данной статье рассматривается образовательное и воспитательное значение использования элементов узбекских национальных ремесел и культурного наследия на уроках технологии в начальной школе. Анализируются вопросы развития творческих способностей учащихся, направления их к творческому мышлению и воспитания в духе патриотизма через национальные ценности.

**Ключевые слова:** Начальное образование, технология, национальное наследие, народное прикладное искусство, педагогическое значение, творческая деятельность, творческое мышление.

Bugungi kunda yurtimizda olib borilayotgan tub islohotlar mazmuni yosh avlodni ma’naviy yetuk, intellektual salohiyatli barkamol avlod qilib tarbiyalashga qaratilgan. Yangi O‘zbekistonning buyuk kelajagi uchun olib borilayotgan siyosiy, ma’naviy sohalaridagi islohotlar inson huquqi va erkinliklarini himoya qiluvchi demokratik va fuqarolik jamiyatini barpo etishni ko‘zda tutadi. Amalga oshirilayotgan islohotlarning bosh maqsadi ham insonning moddiy va ma’naviy manfaatlarini himoya qilishdan iborat. Bunday mashaqqatli murakkab yo‘lda bizga doimo mash’ala bo‘ladigan, yo‘limizni charog‘on yoritib turadigan ota-onalarimiz, bobolarimiz, ajdodlarimizning ibratli hayot saboqlari, o‘gitlari mavjud. Milliy qadriyatlarni tiklash, ma’naviyatni yuksaltirish, shu jumladan sharqona odob-axloq an’analariga e’tiborni kuchaytirish shular sirasidandir. Boshlang‘ich sinf o‘quvchilarida o‘zbek xalqining tarixiy, milliy-ma’naviy merosidan qadriyatlaridan oqilona foydalanish orqali ularda faollikni oshirish o‘quvchilarining ma’naviy madaniyatini shakllantirish, milliy

qadriyatlarimizga hurmat bilan qarash uslubiyatini ishlab chiqish shu jarayonning samaradorligini ta’minlovchi strategiyani ishlab chiqishni taqozo etadi. O’quvchi tevarak atrofdagi faoliyat jarayonida o’zligini anglashni shakllantirish uchun ma’naviy qadriyatlarga murojaat qilishorqali muloqotga kirishadi. Har bir faoliyat harakatsiz yuzaga kelmaydi. Shulardan kelib chiqib, boshlang’ich sinf o’quvchilarini faolligini oshirishda milliy-ma’naviy merosdan foydalanishning pedagogik imkoniyatlari ma’naviy harakat omillariga chambarchas bog’liqdir. Zamonaviy ta’lim tizimining muhim vazifalaridan biri - yosh avlodga nafaqat texnik ko’nikmalarni o’rgatish, balki ularni milliy o’zlikni anglash ruhida tarbiyalashdir. Boshlang’ich sinf texnologiya darslari bu borada ulkan salohiyatga ega. O’zbek milliy merosi - bu asrlar davomida shakllangan boy tajriba, san’at va yuksak did mahsulidir.

Boshlang’ich sinf o’quvchisining xulq namunasi, ma’naviy harakati, muloqotga kirishish jarayoni samarasi o’qituvchi va o’quvchining o’z faoliyatlariga munosabatlari bilan belgilanadi. O’zbek xalqining intellektual merosini tarixiy taraqqiyot bosqichlari asosida o’rganish, tarbiyaviy mohiyatidan ta’sirlanish va amaliy faoliyatda ularni qo’llash, umuminsoniy qadriyatlar darajasiga ko’tarilishini ta’minlash, insoniyat sivilizatsiyasida shaxs va jamiyat ma’naviy madaniyatini tarbiyalashdagi ahamiyatiga haqqoniy baho berish ta’lim-tarbiya jarayonining ishtirokchilari bo’lmish o’qituvchi-o’quvchilardan kreativlikni talab qiladi. Kreativ o’qituvchi moddiyva ma’naviy-ilmiy merosni targ’ib qilishda boshlang’ich sinf o’quvchisining ma’naviy madaniyatini shakllantirishdagi imkoniyatlaridan mohirona foydalanadi. Boshlang’ich sinf o’quvchisining ma’naviy ilmiy merosini shakllantirishning muvaffaqiyati o’qituvchi va o’quvchi kreativlik omillarigaham bog’liq. Bu omillarni harakatlantiruvchi shartlar mavjud bo’lib, ular:

-o’qituvchining umumpedagogik va maxsus ixtisoslik bo’yicha chuqur bilimi;

-kompetentligi;

-o’quvchilar bilan o’zaro do’stona muloqotga kirishish madaniyati;

-ma’naviy madaniyat darajasi;

-ta’lim-tarbiyaning samarali metodlarini tanlay olishi;

-natijani bashorat qila olishi va pedagogik faoliyatni shunga asoslanib loyihalashi;

-qiziqish doirasining kengligi;

-oilada sharoitni yaratilganligi;

-maktab jamoasidagi o’rni;

-ma’naviy qadriyatlarni o’rganish va kompetensiyaviy yondashuvi kabilar. O’qituvchi yuqoridagi kreativlik omillarini egallaganligi natijasida o’quvchi ajdodlar tarixi, adabiyoti, san’ati, an’analari va urf-odatlar haqida chuqur va puxta asosli bilim oladi. O’quvchilar egallagan bilimlari asosida ma’naviy qadriyatlarning mohiyati va mazmunini tahlil etish, qiyosiy o’rganish, xulosa chiqarish, uzluksizligini ta’minlashda faol nuqtai nazarda bo’lishga o’rganadi, ajdodlar madaniy merosi asosida mantiqiy fikr doirasi kengayadi, ta’lim-tarbiyaga yaxlit munosabat paydo bo’ladi, savodxonlik darajasi o’sadi, ma’naviy qadriyatlarni maktabda, oilada, bo’sh vaqtda chuqur o’rganishga ehtiyoj asosida faollik, ijodkorlik; tashabbuskorlik shakllanadi;

turli ijodiy ishlarga qiziqishi ortadi. Bu xususiyatlarning shakllanishi o’quvchining kreativlik omillariga ham bog’liq bo’lib, u qator ijobiy sifat belgilari bilan xarakterlanadi. O’zbek milliy-ma’naviy merosidan foydalanish maqsadida boshlang’ich sinf o’quvchilarini faolligini oshirishda ta’lim va tarbiya qator tamoyillarga e’tibor berishni talab etadi. Ularni quyidagicha guruhlantirish mumkin:

- ta’lim-tarbiya mazmuni, usul va vositalarining milliy xarakteri;
- hududiy tamoyillar: o’quvchi yashayotgan o’lka milliy madaniy merosini mazmuni, boyligi, tarixiy o’rni va ahamiyati;
- maktab va sinfning moddiy-texnik bazasi, maktab kutubxona fondi, muzey va ma’naviy qadriyatlarni o’rganish markazlari, to’g’arak faoliyatining ko’p qirraliligi. Mazkur tamoyillarning pedagogik ahamiyati, uning o’ziga xos xususiyatlari va holatlari inobatga olingan taqdirda ilmiy meros tizimini o’rganishda muhim ahamiyatga egadir. Ajdodlarimizning milliy-ma’naviy merosini o’rganishda har bir mashg’ulot, tarbiyaviy tadbir o’quvchilar ongida ma’naviy madaniyatning yagona ilmiy manzarasi haqidagi tasavvurlarini rivojlantirishi, shaxsiy hayotda, jamiyatda o’z o’rnini topishga erishishi;
- milliy ma’naviy madaniyat tizimi tarbiyaviy mohiyatini anglab yetish salohiyatiga ega bo’lishi;
- o’z ma’naviy faoliyatining natijalarini tasavvur qilishga o’rgatishi;
- tabiat va jamiyat, inson va u yashaydigan muhit haqida ilmiy bilim bilan qurollanishini ta’minlashga xizmat qiladi. Milliy-ma’naviy merosni shakllantirish maqsad va vazifalarini ijobiy hal etishda mashg’ulotlarning xarakteriga mos ma’naviy muhit yaratish uchun barcha tamoyillarga tayanish talab etiladi. Chunki, o’qituvchi va o’quvchi hamkorligidagi faoliyat jarayoni shu faoliyatning samaradorligini oshiruvchi, ularning ma’naviy talab va ehtiyojlarini qondiruvchi muhit yaratilishini taqozo etadi. Bunday ma’naviy muhit uchun
- o’qituvchi bilim saviyasining o’quvchilar talabiga mosligi;
- o’qituvchi uslubiyatidagi rang-baranglik;
- o’qituvchi va o’quvchi, maktab pedagogik jamoasi va o’qituvchi o’rtasidagi munosabatlarning soffligi;
- maktabning moddiy va ma’naviy bazasi (kutubxona fondi, o’quv zallarining mavjudligi, ko’rgazmali qurollar, texnika vositalari bilan ta’minlanishi va h.k.);
- o’quvchi oilasining ma’naviy muhiti (oila a’zolarining o’zaro munosabatlari, bo’sh vaqtni tashkil etishga e’tibor va h.k.) kabilar muhim ro’l o’ynaydi. Boshlang’ich sinf texnologiya darslarida o’quvchilarida o’zbek xalqining milliy ma’naviy merosini o’rgatishga yo’naltirilgan darsning maqbul andozasi, faoliyatni tashkil etish negizi hisoblangan uchlik asosida yaratiladi. O’qituvchi va o’quvchi ma’naviy faoliyati (ma’naviy muhit, ya’ni dars jarayonida) uchun asosiy yo’llanma, reja, dastur, darslik, o’quv qo’llanmalarining (ta’lim mazmuni) mazmuni intellektual merosasosida boyitilishi boshlang’ich sinf o’quvchilariga ilmiy-madaniy merosni o’rgatishda tayanch nuqta vazifasini bajaradi. Ta’lim-tarbiya mazmunining ta’sirchanligi uning mohiyatini ochib berishga qaratilgan intellektual merosni tanlashda amal qiladigan tamoyillarga rioya etishni taqozoetadi. Pedagogik faoliyatni tashkil qilishda 3-4 sinflar uchun texnologiya dasturiga

material tanlash quyidagi tamoyillarga asoslanib amalga oshirilsa kutilgan natijaga erishiladi:

- dastur mavzularining ilmiyligi, ixchamligi, qiziqarliligi, dalillarga tayanganligi, qo'llashga mosligi, uzviyligi, tarixiyligi;
- o'quvchilarning ma'naviy ehtiyoji, talabi, qiziqishlariga mosligi;
- o'quvchilarning yosh fiziologik holatiga mosligi;
- ilmiy va milliy xarakterni ifodalashi;
- o'quvchi faolligini ta'minlay olishi;
- o'quvchi mantiqiy fikr doirasining shakllanishi, tarbiyasiga ta'siri;
- o'quvchini ruhiy va jismoniy holatini inobatga olinishi.

Eng muhim mezon ta'lim mazmuni o'zining g'oyaviy yuksakligi va o'quvchilarni vatanparvarlik ruhida tarbiyalashga xizmat qilish darajasi bilan izohlanadi. Ushbu tamoyillar boshlang'ich sinf darsliklari va uslubiy qo'llanmalar, ajododlarimiz milliy-ma'naviy merosi hamda ularning tarbiyaviy ahamiyatini o'quvchi ongiga yetkaza oladigan ma'rifiy manbalarni tanlashda ham amal qiladi. Bu o'z navbatida boshlang'ich sinf o'quvchilarining faolligini oshirishda dasturiy amal bo'lib xizmat qiladi. Aynan shu tamoyillarga tayangan holda texnologiya darslarining mazmuniga mos ajdodlarimiz milliy-ma'naviy merosidan namunalar tayyorlanadi. Dars jarayonini tashkil etishning ikkinchi tomoni o'qituvchi madaniyati va kompetentligi bilan bog'liq bo'lib, u dasturda va darslikda berilgan ilmiy bilim tizimini o'quvchiga yetkazish bilan cheklanib qolmay, balki shu bilimlar tizimidagi materiallar dalillarga tayangan holda va hayotiy tajriba asosida bayon etadi. Har bir darsning asosiy maqsadi o'quvchini faqat ilmiy bilim bilan qurollantirishdan iborat bo'libgina qolmay, balki bilim o'quvchi tomonidan yakka tartibda mustaqil ravishda egallanishi ham lozim, bu o'rinda asosiy maqsad badiiy yoki xalq san'ati, diniy, xalq pedagogikasi manbalari asosida ma'naviy-axloqiy bilim olishni tashkil etish va uni rivojlantirishga ahamiyat berish zarurdir.

Texnologiya darslari doirasida o'quvchilarga xalq amaliy san'atining quyidagi turlarini soddalashtirilgan holda o'rgatish maqsadga muvofiq deyishimiz mumkin:

- kashtachilik va quroqchilik: mayda qo'l motorikasini rivojlantirish.
- kulolchilik (loy va plastilin bilan ishlash): fazoviy tasavvur va shakllarni his qilish.
- milliy o'yinchoqlar yasash: xalq an'analari va qadriyatlari bilan tanishish.
- naqqoshlik elementlari: geometrik shakllar va ranglar uyg'unligini o'rganish.

Barcha shakldagi darslar jarayonida o'quvchilarni faollashtirishda o'zbek milliy-ma'naviy merosini shakllantirishdagi og'zaki bayon qilish, savol-javob, munozarali vaziyat yaratish, mustaqil ishlash, didaktik o'yinlardan foydalanish, manba bilan ishlash, yozma ishlardan foydalanish, diagramma va jadvallar tuzish kabi usullardan foydalanib amalga oshirilishi lozim. Boshlang'ich sinf o'quvchisi turli usullar bilan mavzu mohiyatini ochib beradigan asosiy g'oya negizida qator o'zbek xalqining milliy-ma'naviy merosi dinamikasi bilan tanishish orqali, ularda xalqimiz qadimdan ulug'lab kelayotgan insoniy fazilatlar shakllanib boradi va o'z navbatida milliy

qadriyatlarga hurmat bilan qarash kabi axloqiy fazilatlar shakllanadi. Xalqimizning asrlar davomida yaratib qoldirgan intellektual meroslarga hurmat, mehr-oqibat hissi shakllanadi. Bu ma’naviy ehtiyojning o’sishi o’quvchilar bilan yakka va jamoa tartibida ularning faoliyatini kuzatish orqali aniqlanadi. Boshlang’ich sinf o’quvchilaridagi ma’naviy ehtiyoj, talab, qiziqishni qondirish asosida milliy-ma’naviy merosni o’rgatishning muhim usullaridan biri dars jarayonida ilmiy manbalarning maxsus tahlilini uyushtirish muhim jarayonlardan biri ekanligini e’tibordan chetda qoldirmaslik kerak bo’ladi.

Xulosa qilib aytganda, texnologiya darslarida o’zbek milliy merosiga murojaat qilish o’quvchining barkamol shaxs bo’lib yetishishida poydevor vazifasini o’taydi. Bu yondashuv nafaqat amaliy ko’nikmalarni shakllantiradi, balki o’quvchi qalbida milliy g’urur va an’analarga hurmat tuyg’usini mustahkamlaydi. Ijodiy fikrlash orqali yangiliklar yaratishga undaydi.

Foydalanilgan adabiyotlar ro’yxati

1. Mirziyoyev Sh.M. "Yangi O’zbekiston strategiyasi". Toshkent: O’zbekiston, 2021.
2. Yo’ldoshev J.G’. "Pedagogik innovatsiyalar". Toshkent, 2010.
3. A.K.Munavvarov. "Pedagogika". T. 1996.
4. Magdiyev O., Ro’ziyeva D. Texnologiya va uni o’qitish metodikasi. Toshkent: "Cho’lpon", 2014.
5. O.Tursunov, S.Jamalov "Yoshlar tarbiyasida qadriyatlarimizning roli". T., "Sharq". 2000 yil.
6. E.Xoliqov, M.Lafasov, M.Rustamov "Merosimiz ildizlari" T., "Ma’naviyat" 2008 yil.
7. A.Sirojiddinov, M.Lafasov "Yoshlarni intellektual salohiyatini oshirish" T., "O’zbekiston" 2008 yil
8. Sanaqulov X.R., Xodjayeva M. Texnologiya (Boshlang’ich sinflar uchun metodik qo’llanma). Toshkent: "Niso poligraf", 2016.